

KUSHTET E PËRGJITHSHME TË SIGURIMIT TË PËRGJEGJËSISË CIVILE NDAJ TË TRETËVE, NGA PRODUKTI

Neni 1. "PËRCAKTIME"

Kushtet e përgjithshme të kontratës së sigurimit për përgjegjësinë civile ndaj të Tretëve të shkaktuar nga Produktet e hedhura ne treg nga i Siguruari, këtu e në vazhdim do të quhen Kushtet e kontratës së Sigurimit, ose shkurt "Kushtet e Sigurimit". **Dëshmia e sigurimit**, që vërteton lidhjen e kontratës së sigurimit, këtu e në vazhdim do të quhet "Polica e Sigurimit". **ALBSIG SH.A.** është Siguruesi i kësaj kontrate sigurimi. **Policëmbajtësi ose "Kontraktuesi"** do të kuptohet personi që kryen veprime dhe nënshkruan kontratën e sigurimit për llogari dhe në emër të të Siguarit/ve. **I Siguruari** është personi fizik ose juridik interesi pasuror i të cilit mbulohet me sigurim sipas ketyre kushteve sigurimi. I siguruari dhe Policëmbajtësi janë i njëjti person, përveç rasteve të nënshkrimit të polices për llogari të të tjerëve. **Primi**, është shuma e parave e paguar nga i Siguruari, kundrejt leshimit të polices së sigurimit nga Siguruesi. **Dëmshpërblimi**, është shuma e parave e paguar nga Siguruesi të Siguarit në pajtim me kushtet e Sigurimit.

Neni 2. "OBJEKTI I KONTRATËS, RREZIQET E SIGURUARA"

Objekti i kësaj kontrate është marrëdhënia juridike në të cilën Siguruesi, brenda limitit të dëmshpërblimit dhe në përputhje me këto kushte sigurimi mbulon: **2.1** Kërkesat për dëmshpërblim të të Tretëve kundrejt të Siguarit i cili mbahet përgjegjes me vendim Gjykatë për shkak të defekteve ose të pamjaftueshmërisë së sigurisë së Produktëve të hedhura ne treg prej tij, që rezultojnë me dëmtime dhe humbje të: **a)** **Shëndetit të palëve të treta**, që nënkupton

dëmtime fizike, sëmundjen ose vdekjen e çdo personi që nuk është pale në këtë kontratë sigurimi (deme në njerez); **b)** **Sendeve të palëve të treta**, që nënkupton dëmtime fizike ose shkatërrim të pronës në zotërim të çdo personi ose enti që nuk është pale në këtë kontratë (deme në sende). **2.2** Përgjegjesinë e të Siguarit për shkak të humbjes së shkaktuar prej çdo elementi apo njesie (bashkësi elementesh) që i Siguruari trupezon në produktin e tij, i cili është prodhuar dhe furnizuar nga të tjerë prodhues. **2.3** Humbjet dhe dëmet e shkatëruara nga produkte në të cilat janë trupezuar elemente ose njesi të prodhura dhe furnizuara nga Siguruari. **2.4** Shpenzimet dhe kostot ligjore të arsyeshme e të nevojshme të të Siguarit, të kryera me marrëveshjen e Siguruesin për mbrojtjen e interesave të tij gjatë procesit të gjyqimit lidhur me kërkesa dëmshpërblimi të pajustificuara e të ekzagjeruara.

Neni 3. "RREZIQE TË PERJASHTUARA"

3.1 Siguruesi nuk mbulon dhe dëmshpërblen humbje dhe dëmtime: **a)** Që në pajtim me një kontratë ose marrëveshje të veçantë kalojnë kufirin e përgjegjesisë referuar rregullimeve ligjore në fuqi mbi përgjegjësinë; **b)** Nëse i Siguruari shkakton aksident me qellim. Termi me qellim përfshin edhe sjelljen ose veprimet e të Siguarit i cili nuk shmanget rrethana të rrezikshme, të tilla që nga veprimi ose ndikimi i tyre duhet të priteshin prishja ose defekte të mallrave, produkteve, shërbimeve; **c)** Të vetë produkteve të prodhuara e hedhura ne treg nga i Siguruari; **d)** Për shkak të kthimit ose terheqjes së produkteve nga tregu, çmontimit, riparimit, modifikimit e rimontimit të produkteve me

defekte te furnizuar nga i Siguruari; **e)** Qe rezultojne nga produkte difektoze qe nuk jane te pershtatshme per qellimin per te cilin jane prodhuar ose realizuar; **f)** Qe ndodhin per shkak te trajtimit (procesimit) te mevonshem te produktit; **h)** Per shkak te tjetersimit te produktit te te Siguruarit ose prodhuesit pa dijenine e tij; **i)** Ie rezultojne nga produkte qe i Siguruari ose prodhuesi nuk i ka prodhuar per shitje as per çdo menyre tjeter shperndarje per qellime ekonomike as nuk i ka prodhuar apo nxjerre ne treg ne kuader ose brenda kornizes se aktivitetit te tij; **j)** Nese nuk kontrollon dhe verifikon cilesine e elementeve dhe njesive te furnizuara nga te tjeret, kur ato i trupezon ne produktin e tij; **k)** Per shkak te gjobave, denimeve; **l).** Te te gjitha llojeve qe nuk kane qellim kompensimi, por jane thjesht deme ndeshkimore; **m)** Per shkak te ndikimit te fushes magnetike ose elektromagnetike, bifenilit te poliklorinuar (polychlorinated biphenyls) ose rezatimit ose ndotjes nukleare; **n)** Per shkak te ndryshimeve gjenetike ne organizma, semundje profesionale, asbestit ose te tjera semundjeve qe direkt ose indirekt rezultojne te shkaktuara nga asbesti ose substanca qe permbajne asbest, duhane ose semundje te tjera qe rezultojne prej perdorimit (pirjes) se duhanit ose produkteve te duhanit; **o)** Deme te personave (shendetesore) e sendeve te shkaktuara nga rrezatimi ose ndotja jonizuese nga radioaktiviteti prej karburanteve berthamore, rrjedhjeve berthamore; **p)** Deme si pasoje e luftes, nderhyrjes se forcave te huaja ushtarake pavaresisht se lufta eshte shpallur ose jo, lufta civile, revolucioni, aktet terroriste, aktet e sabotozhit dhe aktet e vandalizmit.

Neni 4. "SHUMA E SIGURUAR"

4.1. Mbulimi i Siguruesit per çdo nje ngjarje te vecante ose individuale sigurimi

percaktohet nga shuma e siguruar e rene dakord dhe pranuar nga palet; **4.2** Siguruesi paguan per te gjitha ngjarjet e sigurimit qe sjellin humbje e deme brenda nje viti (agregati vjetor) nje shume demshperblimi maksimalisht sa dyfishi i shumes se sigurimit te rene dakord dhe pranuar per nje ngjarje sigurimi, po te moj jete rene dakord dhe pranuar ndryshe nje shume tjeter, qe shenohet ne policen e sigurimit; **4.3** Ne rast se brenda periudhes vjetore te sigurimit Siguruesi paguan shumen totale vjetore (agregatin vjetor), Polica e sigurimit mund te mbetet ne fuqi dhe vijon mbulimin vetem nese arrihet marreveshje e vecante per vazhdimin e mbulimit. Ne kete rast nje prim shtese percaktohet vecanerisht.

Neni 5. "NGJARJA OSE RASTI I SIGURIMIT"

5.1 Ngjarja ose rasti i sigurimit konsiderohet te kete ndodhe ne momentin kur ngjarja qe sjell humbjen ose demin i cili mundeson qe kunder te Siguruarit te paraqitet nje kerkese per demshperblim te kete ndodhur. **5.2** Pavaresisht numrit te personave te demtuar (deme ne njerez) dhe/ose numrit te objekteve te humbur e demtuar (deme ne sende), kur te gjitha keto deme e humbje kane nje shkak te vetem ose rezultojne prej produkteve te furnizuara me te njejtin defekt ose pamjaftueshmeri sigurie (nje parti malli), konsiderohen te kene ardhur nga nje ngjarje e vetme sigurimi, e cila ndodh kur ngjarja e sigurimit te pare ndodh, pavaresisht se kur ngjarja momentale e vecante e sigurimit ndodhi apo i deklarohej te Siguruarit.

Neni 6. "KUFIJTE OSE LIMITET KOHORE TE PERGJEGJESISE, TERRITORI I VLEFSHMERISE"

6.1 Siguruesi eshte pergjegjes vetem nese ngjarja e sigurimit ndodh pergjate periudhes se sigurimit, me kusht qe: **a)** produkti me defekt ose pamjaftueshmeri sigurie te jete

vendosur ose hedhur ne treg jo me heret se data e fillimit te periudhes se sigurimit te shenuar ne policen e lidhur me Albsig sh.a.; **b)** i Siguruari nuk ishte ne dijeni te defekteve e pamjaftueshmerise se sigurise se produktit, dhe **c)** qe humbja e demi te mos mbulohen nga çdo police tjetër ne fuqi qe ai (i Siguruari) ka perfunduar ose lidhur me te tjere Sigurues; **6.2** Albsig sh.a. nuk eshte pergjegjes per shkak te defekteve dhe pamjaftueshmerise se sigurise se produkteve te hedhura ne treg perpara dates se fillimit te periudhes se sigurimit te kesaj police. Nese palet bien dakord te perfshijne ne mbulim pergjegjesine per te tille raste Siguruesi do te percaktoje dhe i Siguruari do te paguaje nje prim shtese dhe ne police do te shenohet data nga e cila do te filloje pergjegjesia e Siguruesit ose retroactive date. Kjo pergjegjesi gjithashtu kushtezohet nga mosdijenja e te Siguarit per defekte, pamjaftueshmeri sigurie, apo kerkesave per demshperblim deri ne momentin e nenshkrimit te kesaj police dhe demi ose humbja te mos mbulohet nga çdo police tjetër sigurimi.; **6.3** Territori i vlefshmërisë së kësaj kontrate është territori i Republikës së Shqipërisë, nese nuk eshte vendosur ndryshe me shenimin perkates ne policë.

Neni 7. "DEMSHPERBLIMI, PJESA E ZBRITSHME, FRANSHIZA"

7.1 Demshperblimi eshte humbja e matur ne terma financiare e percaktuar ne pajtim me parashikimet e ketyre kushteve te sigurimit dhe e kufizuar ne shumen e sigurimit te rene dakord e shenuar ne police; **7.2** Vlera e demshperblimit zvoglohet me pjesen qe mbart vete i Siguruari, te shprehur me Pjesën e zbritshme në përqindje dhe/ose Franshizën në vlerë nominale mbi çdo një dëm ose seri dëmsh të ndodhura nga një rast ose ngjarje e vetme sigurimi. Pjesa e zbritshme

dhe/ose Franshiza shënohen në policën e sigurimit; **7.3** Siguruesi nuk do të paguajë dëme që vlerësohen më pak se vlera e Franshizës së përcaktuar në policë. Në të gjitha rastet e tjera, ku vlera e dëmit kalon kalon vleren e Franshizës aplikohet Pjesa e Zbritshme në %, mbi shumen e dëmshpërblimit të përlogaritur për t'ju paguar të Siguarit ose Përfituesit.

Neni 8. "PERSHKRIMI I RRISKUT OSE AKTIVITETIT QE SIGUROHET (OBJEKTI I SIGURIMIT)"

8.1 Ne momentin e lidhjes se kontrates se sigurimit i Siguruari duhet ti zbuloje Siguruesit te gjitha rrethanat e faktet e rendesishme per pranimin ose marrjen ne sigurim te rriskut(aktivitetit), per te cilat ai ka dijeni ose duhej te kishte dijeni; **8.2** I Siguruari duhet te njoftoje menjehere Siguruesin per cdo ndryshim te rrethanave e fakteve te cilat do te vleresoheshin te rendesishme per vleresimin e rriskut, pergjate periudhe se sigurimit; **8.3** Nese eshte e nevojshme i Siguruari duhet ti mundesoje Siguruesit te inspektoje e kontrolloje rriskun (aktivitetin e siguruar).

Neni 9. "PERIUDHA E SIGURIMIT"

9.1 Pergjegjesia e sigurimit ne baze te kontrates se sigurimit fillon ne mesnaten e dates se shenuar ne police si date e fillimit te mbulimi, nese primi i sigurimit eshte paguar ne llogarine e Siguresit deri ne kete date. Perndryshe pergjegjesia e Siguruesit shtyhet deri ne mesnaten e dates se pageses se primit te sigurimit, nese nuk eshte rene dakord ndryshe. Si rregull policat e sigurimit leshohet me afat 1 vjeçar.; **9.2** Pergjegjesia e Siguruesit mbaron ne mesnaten e dates se shenuar ne police si date e skadimit te mbulimit me sigurim; **9.3** Nese ne policen e sigurimit shenohet vetem data e fillimit te polices, polica e sigurimit si dhe pergjegjesia

e Siguruesit për mbulimin me sigurim dhe po ashtu përgjegjësia e të Siguruarit për pagesën e primit rinovohet nga një vit në tjetrin, duke filluar nga e njëjta datë në vitin pasardhës, derisa njëra nga palët heq dorë nga kontrata e sigurimit me njoftim me shkrim palet tjetër, të pakten 3 muaj përpara mbarimit të mbarimit të periudhës së sigurimit në vitin aktual ose në vijim. Nëse policia lidhet me afat me shumë se 3 vjet secila palë mund të heq dorë nga kontrata me njoftim me shkrim jo më herët se 6 muaj, përpara skadimit të policës të vitit aktual ose në vijim.

Neni 10. "PËRLLOGARITJA DHE AXHUSTIMI I PRIMIT TË SIGURIMIT. PASOJAT E MOSPAGIMIT TË TIJ, KTHIMI I PRIMIT TË SIGURIMIT"

10.1 Përlllogaritja e primit të sigurimit bëhet sipas metodave të tarifimit të përcaktuara nga Siguruesi, si edhe në funksion të informacionit dhe të dhënave të deklaruara nga i Siguruari; **10.2** Në rastin kur përlllogaritja e primit bazohet mbi vlerën e qarkullimit monetar të veprimtarisë së të Siguruarit për një periudhë të caktuar kohe, ky prim i nënshtrohet axhustimit. Primi i Sigurimit axhustohet jo më vonë se 30 ditë nga data e përfundimit të periudhës së sigurimit në varësi të ndryshimit të vlerës së qarkullimit monetar të të Siguruarit, nëse nuk parashikohet ndryshe në policë. Diferencat aktive dhe pasive të axhustimit të primit duhet të kryhen nga palët brenda 15 ditëve nga përcaktimi i kësaj vlere. **10.3** Primi i sigurimit paguhet njëherësh ose me këste. **10.4** Përgjegjësia e Siguruesit të paguajë demshperblim për humbjen ose demin perfundon në rastin e mospagimit të primit të sigurimit, këstit të pare ose të radhës brenda afatit prej 15 ditësh duke filluar nga data e maturimit të pagesës së tij shënuar në policën e sigurimit, si edhe sipas parashikimeve të Nenit 9, pg.3 - për

rinovimin me siper, afat i cili skadon në orën 24.00 të ditës së 15-të. Vertetimi i faktit të mospageses së primit si parashikuar këtu, zgjidh automatikisht Kontratën e Sigurimit, pa patur nevojë për njoftim tjetër të veçantë nga Siguruesi. **10.5** I Siguruari është përgjegjës për pagesën e primit, këstit dhe/ose diferencës aktive të tij edhe në ato raste kur ai pretendon, që Siguruesi nuk e ka njoftuar për datat e maturimit. **10.6** Në rast të ndërprerjes së njëanshme të Kontratës së Sigurimit nga palët, primi i paguar i kthehet të Siguruarit në perpjestim me kohën që mbetet deri në mbarim të afatit ose periudhës së mbulimit të kontratës së sigurimit, duke zbritur shpenzimet administrative përkatëse. Kthimi i primit ndalohej në këto raste: **a)** kur i Siguruari ka përfutur ose do të përfutojë cdo demshperblim nga Siguruesi, pavarësisht vlerës së tij; **b)** kur kërkesa për kthim primi bëhet me vone se dy muaj nga përfundimi i afatit të vlefshmërisë së kontratës të përcaktuar në policë.

Neni 11. "DETYRIMET E PALEVE ME NDODHJEN E NJE RASTI SIGURIMI"

A - Detyrimet e të Siguruarit: **11.1** Të marrë të gjitha masat dhe të kryejë të gjitha veprimet e mundshme për minimizimin e pasojave të demit/ve të shkaktuara nga ngjarja aksidentale; **11.2** Të njoftojë menjëherë Siguruesin për ndodhjen e aksidentit (ngjarjes së papritur). Nëse një hetim për kundravajtje penale ose civile fillon ose ka shenja (indicie) që do të fillojë kundër të Siguruarit ose personave për të cilët ai (i Siguruari) është përgjegjës njofton menjëherë Siguruesin pavarësisht se kishte njoftuar me pare për ndodhjen e të njëjtes ngjarje sigurimi; **11.3** Nëse i Siguruari merr një kërkesë për demshperblim nga të tretet ose veprime lidhur me demet kanë filluar kundër tij, i Siguruari duhet të njoftojë menjëherë Siguruesin dhe t'i paraqesë atij të gjitha

dokumentet që lidhen me kërkesën/at për demshperblim; **11.4** Të lejojë dhe ti japë fuqi ligjore perfaqësimi Siguruesit apo juristit të caktuar prej tij që të drejtojë veprimet ligjore që lidhen me ngjarjen e sigurimit, pasojat dhe zgjidhjen e saj. Nëse i Siguruari nuk lejon Siguruesin të drejtojë zgjidhjen e kërkesës/ave për demshperblim, Siguruesi nuk është përgjegjës të paguajë kostot ekstra të kërkesës për demshperblim, interesat apo shpenzimet ligjore e të tjera të lidhura me të. **11.5** Në pajtim me detyrimin e percaktuar në paragrafin (4), me siper të mos refuzojë dhe për më tepër të mos pranojë asnjë kerkese për demshperblim të ardhur nga të tretet. **B-Detyrimet e Siguruesit: 11.1** T'i dorëzojë të Policembajtesit ose të Siguruarit kushtet e vlefshme të sigurimit që përbejnë ose konsiderohen pjesë e kontratës së sigurimit. **11.2** Të kontrollojë kërkesat për demshperblim si lidhur me percaktimin e përgjegjësisë ashtu edhe vlerën e dëmit ose humbjes, si dhe të sigurojë mbrojtjen e të Siguruarit nga kërkesat e pajustificuara ose të egzagjeruara nga të tretet. **11.3** Të mbulojë shpenzimet dhe kostot ligjore të të Siguruarit të vendosura në favor të të treteve, vetëm nëse Siguruesi ose personi i autorizuar prej tij drejton veprimet e nevojshme ligjore prej momenteve të fillimit të zgjidhjes ligjore të kërkesës për demshperblim. Cilado qoftë vlera e ketyre shërbimeve deshperblimi perfundimtar për dëm e sende se bashku me shpenzimet e kostot ligjore nuk kalojnë shumen e sigurimit të percaktuar në police. Po kështu Siguruesi mbulon edhe shpenzimet e kostot ligjore të çështjes penale të ngritur kundër të Siguruarit, kur merr persiper shprehimisht të bëjë avokatin mbrojtës të të Siguruarit. Edhe në këtë rast vlera totale e demshperblimit përfshi kostot ligjore të çështjes penale nuk e kalon shumen e sigurimit të percaktuar në police.

11.4 T'i japë të Siguruarit rekomandimet e nevojshme në bazë të të gjitha inspektimeve, ekspertizave dhe veprimeve të nevojshme për mbrojtjen e interesit të tij. Nëse i Siguruari refuzon të pranojë rekomandimet e Siguruesit: **a)** Siguruesi nuk ka detyrim të mëtejshëm për të mbrojtur interesat e tij; dhe **b)** përgjegjësi e Siguruesit për dëm, në lidhje me limitin e demshperblimit, nuk do të tejkalojë ose do të kufizohet në vlerën e demshperblimit të parashikuar nga ai (Siguruesi). **11.5** Të kompensojë të Siguruarin në përputhje me këto kushte sigurimi jo më vonë se 30 ditë nga dorëzimi i vendimit perfundimtar të formës së prerë të Gjykatës për ngarkimin me përgjegjësi të të Siguruarit, minus pjesën e zbritshme të shënuar në policën e sigurimit.

Neni 12. "PASOJAT JURIDIKE TË 'DIJENISË' DHE 'NJOFTIMIT' PËR NGJARJEN E SIGURIMIT"

Nëse vërtetohet që, i Siguruari ose Policembajtesi njoftojnë Siguruesin, për një "ngjarje" ose "kërkesë për demshperblim" nga palët e treta, për të cilat janë në dijeni, që dëmtime të shëndetit dhe dëm në sende ndaj palëve të treta kanë filluar të shkaktohen ose janë shkaktuar përpara fillimit të periudhës së vlefshmërisë së policës, atëherë çdo vazhdim, ndryshim, perkeqesim ose përfundim i pasojave të dëmeve në shëndet dhe sende gjatë ose pas periudhës së vlefshmërisë së policës, do të quhen të "ditura ose të njohura" përpara fillimit të periudhës mbulimit të kësaj police dhe Siguruesi çlirohet nga detyrimi i kompensimit.

Neni 13. "SIGURIME TË TJERA"

13.1 Nëse në momentin e ndodhjes së ngjarjes së sigurimit, ekziston një ose disa polica të tjera në fuqi për mbulimin e përgjegjësisë të të Siguruarit për të tillë ngjarje, atëherë Siguruesi i kësaj kontrate

çlirohet ose nuk do të jete përgjegjes për mbulimin për humbje e dëme të çdo kërkesë për dëmshpëblim, përveç asaj vlere dëmi që tejkalon shumën me të madhe të dëmshpërblimit të pagueshem ndërkohë polica të tjera në fuqi. **13.2** Në rastin kur vlera e dëmshpërblimit të përcaktuar në këtë polica tejkalon vlerën me të lartë të dëmshpërblimit të përcaktuar ndërkohë polica të tjera në fuqi, atëherë Siguruesi i kësaj police është përgjegjes për dëmshpëblimin e të Siguruarit për një shumë të barabartë me diferencën që rezulton nga vlera e dëmshpërblimit për një ngjarje sigurimi të përcaktuar në këtë polica me vlerën e dëmshpërblimit me të lartë të vertetuar ndërkohë polica të tjera të sigurimit, si parashikuar në paragrafin (1) më sipër.

Neni 14. "PËRFUNDIMI DHE ZGJIDHJA E KONTRATËS"

Kjo kontratë sigurimi: **a)** Përfundon kur ka ndodhur ngjarja e sigurimit dhe Siguruesi ka dëmshpërblyer të Siguruarin në limitin agregat të përcaktuar në policën e sigurimit; **b)** Zgjidhet menjëherë kur primi, kësti i radhës, primi i rinovimit ose vlera e axhustimit nuk janë paguar brenda 15 ditëve nga afati i maturimit të pagesës; **c)** Zgjidhet menjëherë kur Siguruesi njihet me të dhëna ose fakte të reja, që më parë janë fshehur ose deklaruar në mënyrë të rreme qëllimisht nga i Siguruari; **e)** Përfundon kur njëra nga palët shprehet në mënyrë të njëanshme për ndërprerjen e saj me njoftim paraprak 30 ditor. Ky njoftim do të quhet i kryer që në ditën e dërgesës së tij me postë.

Neni 15. "MËNYRA E KOMUNIKIMIT, NDRYSHIMI I ADRESËS"

15.1 Te gjitha njoftimet e shpalljet që duhet të paraqiten ose të jepen në pajtim me parashikimet e Kontrates së sigurimit behen me shkrim; **15.2** Njoftimet e shpalljet

konsiderohen se janë kryer në kohë nëse dërgohen me leter të regjistruar brenda afatit të parashikuar; **15.3** I Siguruari duhet të njoftojë Siguruesin për ndryshimin e emrit apo adresën e selisë së kompanisë. Nëse i Siguruari ndryshon emrin apo adresën e kompanisë dhe nuk njofton Siguruesin, është e mjaftueshme që Siguruesi të dërgojë njoftimet në emrin dhe adresën e rezidencës së fundit të tij.

Neni 16. "LIGJI I APLIKUESHEM, ZGJIDHJET E MOSMARRËVESHJEVE"

16.1 Ligji i aplikueshem në marrëdhëniet ndërmjet Siguruesit dhe të Siguruarit, kur nuk zgjidhen nga përcaktimet e ketyre kushteve e termave të kësaj kontrate sigurimi, është Kodit Civil i Republikës së Shqipërisë, përcaktimet dhe parashikimet e Pjesës së IV-të - Detyrimet dhe Kreu XXIII - Sigurimet. **16.2** Në rastet kur mosmarrëveshjet nuk zgjidhen me mirëkuptim ndërmjet palëve, kompetente është gjykata e vendit ku është lëshuar polica e sigurimit.